

Fadzil perlu ubah sikap

SEREMBAN, Isnin — Datuk Andika Mendelika Fadzil Nordin hendaklah segera 'berubah sikap' dan berikhtiar merumuskan penyelesaian krisis perlantikan Datuk Kelana Putra (Undang Luak Sungai Ujong) ke-10.

Sumber-sumber tertinggi adat berkata, Datuk Andika Mendelika Fadzil selaku Lembaga Tua Tiang Balai Luak Sungai Ujong tidak sepatutnya 'dingin' terhadap garis panduan yang dikeluarkan oleh Dewan Keadilan dan Undang Negeri Sembilan untuk menamatkan krisis itu.

"Sebenarnya, Dewan Keadilan dan Undang Negeri banyak mengeluarkan garis panduan sejak krisis ini bermula awal 1984 tetapi malangnya Datuk-Datuk Lembaga Tiang Balai Luak Sungai Ujong tidak memberikan perhatian berat," kata sumber-sumber itu.

"Krisis ini tidak mungkin diselesaikan jika Datuk-Datuk Lembaga Tiang Balai Luak ini yang diketuai oleh Datuk Andika Men-

delika Fadzil terus bersikap sedemikian," kata sumber-sumber itu.

Difahamkan, dewan mengeluarkan garis panduan meminta Datuk Andika Mendelika Fadzil mengadakan kerapatan adat yang dihadiri oleh semua anak Waris Kelana (Undang) selepas timbulnya krisis itu pada awal 1984.

"Kerapatan ini bertujuan membolehkan Datuk-Datuk Lembaga Tiang Balai mengumpulkan semua anak Waris Kelana yang layak menyandang pesaka Datuk Kelana Putra ke-10 dan kemudian menentukan senarai calon bakal penyandang pesaka itu.

"Dewan akan menentukan satu senarai terakhir calon berdasarkan kepada perbincangan dengan Datuk-Datuk Lembaga Tiang Balai Luak ini sebelum mengeluarkan garis panduan seterusnya terutama berhubung urusan pemilihan Undang baru.